

REGIONAL NEWS UNIT
ALL INDIA RADIO, AGARTALA
Date: 29-12-2024
Time: 07:55-08:05 PM Hrs
BENGALI EVENING BULLETIN

Headlines :

- ১) প্রধানমন্ত্রী নরেন্দ্র মোদি মহা কুস্তে অংশগ্রহণ করার সময় জনগণকে ঐক্যের চেতনা গ্রহণ করার আহ্বান জানিয়েছেন।
- ২) কেন্দ্রীয় মন্ত্রী প্রহ্লাদ যোশী বলেছেন, উত্তর-পূর্বাঞ্চলের রাজ্যগুলির জন্য প্রধানমন্ত্রী নরেন্দ্র মোদী বাড়তি নজর ও গুরুত্ব দিয়ে কাজ করছেন।
- ৩) বিজয় মার্চেন্ট ট্রফি অনূর্ধ্ব ১৬ বছরের ক্রিকেটের তিনদিনের খেলায় ত্রিপুরা ইনিংস ও ৭৬ রানে সিকিমকে পরাজিত করেছে।

PM :

প্রধানমন্ত্রী নরেন্দ্র মোদি বলেছেন, সংবিধান হল জাতির পথপ্রদর্শক এবং এটা অত্যন্ত সম্মানের বিষয় যে আগামী ২৬ জানুয়ারি ভারতীয় সংবিধান ৭৫ বছর পূর্ণ করবে। আজ আকাশবাণীতে মন কি বাত অনুষ্ঠানে শ্রী মোদি আরো বলেন, এ বছর সংবিধান দিবস উপলক্ষে সারা বছরব্যাপী অনেক কর্মসূচী গ্রহণ করা হয়েছে। প্রধানমন্ত্রী উল্লেখ করেন, সংবিধানের উত্তরাধিকারের সাথে নাগরিকদের মেলবন্ধন করতে একটি বিশেষ ওয়েবসাইট constitution75.com তৈরি করা হয়েছে। প্রধানমন্ত্রী মন কি বাতের শ্রোতা, শিশু ও যুবকদের এই ওয়েবসাইট দেখার আহ্বান জানিয়েছেন। মন কি বাত অনুষ্ঠানে প্রধানমন্ত্রী শ্রী মোদি আরো বলেন, আগামী ১৩ই জানুয়ারি থেকে

প্রয়াগরাজে অনুষ্ঠিত হতে চলেছে মহা কুম্ভ। এই মহাকুম্ভের বৈশিষ্ট্য এর বিশালতাতেই শুধু নয়, এর বৈচিত্র্যও রয়েছে। বহুত্বের মধ্যে একতার এই দৃশ্য বিশ্বের আর কোথাও দেখতে পাওয়া যায় না। শ্রী মোদি মহা কুম্ভে অংশগ্রহণ করার সময় জনগণকে ঐক্যের চেতনা গ্রহণ করার আহ্বান জানান।

PM byte - KUMBHA

প্রধানমন্ত্রী শ্রী মোদী আরো বলেন, প্রথমবারের মতো বিশ্ব অডিও ভিসুয়াল এন্টারটেইনমেন্ট সামিট তথা ওয়েভস সামিট, আগামী বছর ভারতে অনুষ্ঠিত হবে। এই ওয়েভস সামিটে মিডিয়া এবং বিনোদন শিল্পের বড় বড় প্রতিষ্ঠান এবং সৃজনশীল ব্যক্তিত্বরা ভারতে আসবেন। তিনি বলেন, মন কি বাত এখন দেশের সামাজিক শক্তির জীবন্ত দলিল হয়ে উঠেছে। ২০২৫ দ্বার প্রাপ্তে। আগামী বছর মন কি বাতের মাধ্যমে আরো অনুপ্রাণিত প্রয়াসগুলি বিনিময় করা হবে বলে প্রধানমন্ত্রী আশা ব্যক্ত করেন।

#####PM byte MAAM KI BAAT #####

Maan ki baat- CM:

মুখ্যমন্ত্রী অধ্যাপক ডাঃ মানিক সাহা আজ মান্দাইস্থিত মাইলুমা স্কুল মাঠে আয়োজিত অনুষ্ঠানে প্রধানমন্ত্রী নরেন্দ্র মোদির মন কি বাত শোনেন। উপস্থিত ছিলেন প্রদেশ বিজেপির সাধারণ সম্পাদক বিপিন দেববর্মা।

Central Minister:

কেন্দ্রীয় ভোক্তা সুরক্ষা, খাদ্য এবং নবায়নযোগ্য শক্তি মন্ত্রী প্রহ্লাদ যোশী বলেছেন উত্তর-পূর্বাঞ্চলের রাজ্যগুলির জন্য প্রধানমন্ত্রী নরেন্দ্র মোদী বাড়তি নজর ও গুরুত্ব দিয়ে কাজ করছেন। কেন্দ্রীয় সরকারের প্রকল্পগুলি এই অঞ্চলের রাজ্যগুলিতে যথাযথ ভাবে বাস্তবায়ন পর্যালোচনা করতে কেন্দ্রীয় মন্ত্রীরা তাই বারে বারে

আসছেন। কেন্দ্রীয় মন্ত্রী আজ সিপাহীজলা জেলার চড়িলাম ব্লকে প্রধানমন্ত্রী কুসুম প্রকল্প পরিদর্শন করেন এবং প্রকল্পের সুবিধাভোগীদের সঙ্গে মত বিনিময় করেন ।

মন্ত্রী বলেন, পিএম-কুসুম প্রকল্পের (কম্পোনেন্ট বি) এর আওতায় ৫৪ একর জমিতে ২৭ টি সৌর বিদ্যুৎ পাম্প এবং এম. এন. আর. ই প্রকল্পের আওতায় এল. ই. ডি ভিত্তিক ৩৫ টি সৌর বিদ্যুৎ চালিত স্ট্রিট লাইটিং এর ব্যবস্থা স্থাপন করা হয়েছে। তিনি আরও বলেন, এই উদ্যোগগুলির সফল বাস্তবায়নের ফলে কৃষকরা দুই ফসল উৎপাদন করতে সক্ষম হচ্ছেন, এবং কৃষকদের আয় দ্বিগুণ হয়েছে।

এনিয়ে আকাশবাণীর সিপাহীজলা জেলা প্রতিনিধি অভিজিৎ বর্ধনের একটি প্রতিবেদন.....

#####BYTE AUDIO#####

CM- Bardowali:

মুখ্যমন্ত্রী অধ্যাপক ডাঃ মানিক সাহা আজ টাউন বড়দোয়ালীতে আগরতলা পুর নিগমের ৪০ নম্বর ওয়ার্ড অফিসে আয়োজিত অনুষ্ঠানে দুস্থদের মধ্যে শীতবস্ত্র বিতরণ করেন। অনুষ্ঠানে তিনি গরীব মানুষের কল্যাণে রাজ্য সরকারের উদ্যোগ বিস্তারিত উল্লেখ করে বক্তব্য রাখেন।

Blood Donation - Unakoti:

কেন্দ্রীয় বিদ্যালয় কৈলাশহর এলামনি অর্গানাইজেশন এর উদ্যোগে আজ ঊনকোটি কলাক্ষেত্রে রক্তদান শিবির অনুষ্ঠিত হয়। উদ্বোধন করেন সমাজ কল্যাণ ও সমাজশিক্ষা মন্ত্রী টিংকু রায়বক্তব্য রাখেন কৈলাশহর পুর পরিষদের চেয়ারপার্সন চপলা

রাণী দেবরায়, ডাঃ পাপিয়া সিনহা প্রমুখ। শিবিরে ১৩ জন স্বৈচ্ছায় রক্তদান করেন।

Blood Donation-Keshab Sangha:

আগরতলার শহর দক্ষিণাঞ্চলের শ্রী শ্রী রামকৃষ্ণ কল্পতরু উৎসব কমিটির উদ্যোগে আজ বাধারঘাটস্থিত কেশব সংঘ প্রাঙ্গনে এক স্বৈচ্ছা রক্তদান শিবিরের আয়োজন করা হয়। উদ্বোধন করেন আখাউড়া রোডসহিত শ্রীশ্রী সারদেশ্বরী মঠের অধ্যক্ষ স্বামী সোমানন্দ মহারাজ। উপস্থিত ছিলেন বিধায়ক দীপক মজুমদার, মীনা রানী সরকার। শিবিরে ১৮ জন স্বৈচ্ছায় রক্তদান করেন।

Blood Donation:

আগরতলার রামকৃষ্ণ মঠ ও মিশনের স্বামী অমর্ত্যানন্দ মহারাজ আজ অঙ্গ সঞ্চালনী ক্লাব আয়োজিত স্বৈচ্ছা রক্তদান ও স্বাস্থ্য শিবিরের উদ্বোধন করেন। উপস্থিত ছিলেন আগরতলা পুর নিগমের মেয়র দীপক মজুমদার, কর্পোরেটর মনিমুক্তা ভট্টাচার্যন প্রমুখ।

Weather:

আগামীকাল রাজ্যের আকাশ আংশিক মেঘাচ্ছন্ন থাকবে। সকালে হালকা কুয়াশা পড়বে। আগামীকাল দিনের সর্বোচ্চ তাপমাত্রা ২৭ ডিগ্রি সেলসিয়াস ও সর্বনিম্ন ১৪ ডিগ্রি সেলসিয়াসের কাছাকাছি থাকবে। আজ দিনের সর্বোচ্চ তাপমাত্রা ছিল ২৭ দশমিক ছয় ডিগ্রি সেলসিয়াস ও সর্বনিম্ন ১৩ দশমিক ৪ ডিগ্রি সেলসিয়াস। এদিকে আবহাওয়া দপ্তর সূত্রে জানা গেছে, বর্তমানে ত্রিপুরাসহ বাংলাদেশের আকাশে একটি ঘূর্ণাবর্ত অবস্থান করছে।

Vijoy Marchant:

বিজয় মার্চেন্ট ট্রফি অনূর্ধ্ব ১৬ বছরের ক্রিকেটের তিনদিনের খেলায় ত্রিপুরা ইনিংস ও ৭৬ রানে সিকিমকে পরাজিত করেছে। আজ কটকে ১ উইকেটে ৭৬ রান থেকে খেলতে নেমে রাজ্যদল প্রথম ইনিংসে সবকটি উইকেট হারিয়ে ২৩৭ রান করে। ১৩৭ রানে পিছিয়ে থেকে সিকিম দ্বিতীয় ইনিংসে খেলতে নেমে সবকটি উইকেট হারিয়ে ৬১ রান করে। এর আগে সিকিম প্রথম ইনিংসে ১০০ রান করেছিল।

Chess:

নিউজ ব্রডকাস্টিং জার্নালিস্ট ইউনিয়নের উদ্যোগে এবং মেট্রিক্স চেস আকাদেমির সহযোগিতায় রবিবার অনুষ্ঠিত উন্মুক্ত দাবা প্রতিযোগিতায় অন্তরীপ আচারিয়া অপরাজিত চ্যাম্পিয়ন হয়েছেন। কৃষ্ণনগর মেট্রিক্স চেস আকাদেমির অফিসে এই আসরে ৪৪ জন দাবাড়ু অংশ নেন। ৫ রাউন্ডের আসরে পুরো ৫ পয়েন্ট পেয়ে অপরাজিত চ্যাম্পিয়ন হয়েছে অন্তরীপ। ৪ পয়েন্ট পেয়ে ভোকলসে দ্বিতীয় থেকে ষষ্ঠ স্থান দখল করে যথাক্রমে সঞ্জিত দাস, অর্ণভ ভর্মা, দেবতীর্থ দাস, তমজিৎ সাহা এবং তেজশ্বিনী পোদ্দার।
